


Al-Kitab untu' Ana'-ana' Memperssembahkan

Paskah Bunge'



Parokina Iyanaritu: Edward Hughes
Pa'gambarana iyanaritu: Janie Forest

Penterjemana iyanaritu: Armin Sukri
Pengadaptasinna iyanaritu: Lyn Doerksen

Curita 54 polé ri 60 nomoro

www.M1914.org

Bible for Children, PO Box 3, Winnipeg, MB R3C 2G1 Canada
Ijin: Weedimmua rilemba iyaré curitaé iyakiya de' nawedding ri balu'.

Bugis

Engka séddi makkunrai tettong ri bulu'é, matanna tattujui lao riseddié pamandangang iya mapparesébebbuwaé. Ana'na manrasa-rasani. Iyaro makkunraiyé, iyanaritu Maryam, tettongngi riseddéna onrong kegi Isa ripaku ri aju salli'é.



Pékkugiwi wedding iya kajiangngé? Magai Isa purani naola atuwong iya masennangngé iyakiya paccappuréna manrasa-rasai? Pékkugiwi Allataala nappessangngi ana'Na ri paku ri aju salli'é untu' maté kuwaro? Engkaga asalanna Isa? De'gaga pakkullénna Allataala?





DE! De'na
gagal Allataala.
Dé'gaga asalanna
Isa. Aléna tette'I
naisseng makkeda
matéwi matu nasaba'
dosana rupatauwé.
Mappammula ana'lolona
mupa, tomatowaé
riaseng Simeon
purani napowadang
Maryam passalenna
anrasa-rasangnéwé.


3




Siaga essona
ride'napa nariuno
Isa, engka makkunrai
polé murapiwi ajéna Isa
paké minnya' mabau.
"naparénajami
duwina," Naseng
ana'-ana' gurun-Na. "Iyaro
makkunraiye napogau'i gau'
makessing." Makkeda Isa. "Napassadiyai
esso amatékku'." Seddi ada-ada makalallaing!

4

Napurana iyaro, Yudas,
seddi ana'gurunNa Isa,
engka seppulodua
ana'gurunNa,
nahianatiwi Isa
nanabaluna lao ri
imang Yahudié
30 duwi pera'.



5



Riwettunna perayaan
Paskah Yahudi, Isa manré
paccappurenni sibawa
ana'-ana' gurunNa.
Napowadanni mennang
janci madécéna
Allataala lao ri
sininna iya
pojiéngngi.


6



Nainappa Isa naalani seddi
cawan sibawa roti untu'
ménung sibawa manré
massisama-sama. Iyanaré
ripegau' untu' paréngngerangiwi
makkeda tubunNa sibawa daraNa
Isa purani riyabbéréyang
untu' maddampengiwi
dosa-dosata.

7

Napwadatoi Isa lao rimennang makkeda engka matu
hianatiwi, na iya lainggé lari manéngngi salaiwi.
"De' ulari salaiki'." Mappébalini Petrus. "Ride'napa
naoni manué, puarani muhianatika' wekka tellu."
Makkeda Isa.




8



Rimawenninnana, laoni Isa massumpajang ri séddié tammeng riyaseng Getsemani. Ana'-ana' gurunNa iya maccowé'é matinro manengngi. "O Ambo'," massumpajangngi Isa,"....lappessanni lao iyaré cawangngé polé ri Aléku. Iyakiya, aja'na eloKu, sangadinna Elotana mancaji."

9

De'namaitta engkana rombongan muttama ri tammengngé, ripimping ri Yudas. Isa de' namaéwa, iyakiya Petrus nawettai dacculinna ana' gurunna imangngé. Isa napasau paimeng iyaro dacculié, natakkenna paimeng rionronna. Naissengngi Isa makkeda iyanaré bagéang rencanana Allataala.



10



Naritiwina Isa lao ri yolona imang loppoé. Pamimping Yahudié maéloi mpunoi Isa. Rise'déna tettonni Petrus mitai aga kajajiangngéro. Wekka tellu engka tau makkutana lao ri Petrus, "Ikona sellaonna Isa." Wekkatellutopa nahianati Isa, pada-pada iya puraé napowada Isa.


11

COCK-A-DOODLE-DOO




Namonina manu'é. Pada-pada sa'danna Allataala paréngngérangiwi Petrus. Nasadarini ada-adanNa Isa nakerra'na Petrus.

12




Yudas nasesse'toi aléna. Naissengngi makkeda Isa de'gaga salanna. Napalésuni paimeng iyaro 30 duwi pera'é, iyakiya imangnge de'na maélo tarimai.

13



Nabbéyanna Yudas iyaro duwi'é, na lao massu' polé ri kotaé nainappa nagattung aléna.


14



Imang-imanggé natiwini Isa
lao ri Pilatus, gubernurna Roma.
Makkeda Pilatus, "Dé'gaga
uruntu' asalang ri iyaré
tauwé." Iyakiya
gora-gorani tau
maégaé, "Salli'ni!
Salli' ni!"


15

Napettuiwini Pilatus untu' salli'i
Isa gangkana maté ri aju salli'é.
Surodadué napeddirini Isa,
namméccuwi rupanna, sibawa
cambo'i. Nabburenni mahkota
dori nainappa nataro riulunna
Isa. Naripakuna Isa ri aju
salli'é gangkana maté.



16

Isa naiseng mémenni makkeda matéi matu naola
iyaro caraéwé. Naissettoi makkeda amaténna tiwi
asalamakeng lao risininna tau madosaé iya
mateppe'é lao ri Aléna. Duwa panga
iya ri salli'éto ri se'déna.
Seddi mateppe' lao ri Isa
- na muttama ri suruga.
Iyakiya iyaro seddié
de' namateppe'.



17

Rianrasa-rasanNa, makkedani
Isa, "Genne'ni," na maté
tona. Genne'ni aga iya
puraé napogau' Isa.
Ana'-ana' gurunNa
nakubburu'ni ri
séddié ku'buru'.



18

Surodadu Romawié
nasamponi ku'buru'Na
Isa sibawa najagaiwi.
De'gaga tau wedding
muttama iyaréga
massu'.



19

Narékko iyanaré
paccappureнна curitaé,
temmaka pesséna
nyawata. Iyakiya
Allataala pancajiwi
séddi karéba
madécéng. Isa de'
tette'namaté.



20

Maélé mupa ri esso makaséddié ri
mingguéro, siaga ana'gurunNa
Isa naruntui batu
passampona ku'buru'é
taggalétténi.
Riwettunna
muttama rilaleng,
de'ni gaga Isa
kuwaro.



21

Seddi makkunrai monro kerra' ri
ku'buru'é. Engkani cumpa Isa lao ri
aléna. Na larina lisu powadangngi
iyamanenna ana'-ana' gurunNa
Isa sibawa mariyo-riyo.
"TUWONI ISA! ISA
TUWONI PAIMENG
POLE



22

RIAMATENNGE!"

Dé'namaitta puranaro engkani Isa cumpa ri
ana'ana' gurunNa, nappitanni baté paku iya engkaé
ri limanna sibawa ajéna. ISA TUWONI
PAIMENG! Naddampengngenni Petrus iya puraé
sangkaliwi, nasuroni ana'-ana' gurunNa lao
palettukengngi karéba madécéng lao ri sininna
rupatauwé passalenna Isa Almasih. Lisuni
paimeng lao ri suruga, onrong assalenNa iya
riyaseng Natal bunge'é.

23

Paskah Bunge'

Seddi curita polé riada-adanna Puang
Allataala, Al Kitab,

riruntu' rilaleng

Matius 26-28, Lukas 22-24, Yohanes 13-21

"Rekko ripakanessai, ma'bbérei tajang
pappaguruwam-Mu." Mazmur 119:130

Puangngé naissengngi makkeda purani ripogau' maja'é, iya
riyasengngé dosa. Pahukkungenna dosaé iyanaritu amaténg.

Iyakiya Puangngé makkumani namaséi ki' gangkana
nabbéréyangngi Ana' tungke'na, Isa, untu' maté ri aju sall'i'é
mpaja'l asalatta (dosata). Isa tuwoi paimeng sibawa réwe'l ri
suruga! Makkekkuwangngé naddampengiwi dosa-dosata
Puangngé.

Narékkó maéloki' salaiwi dosata, mellauni' lao ri Puangngé: O
Puang, mateppe'ka makkéda Isa matéwi nasaba' aléku, iyakiya
tuwoi paimeng. Muttamani' ri atuwokku sibawa addampengiwi
dosa-dosaku, kuwammengngi utarimai atuwong mabarué
kowaétopa mannennungeng. Tulukka' tuwo sélaku ana'ta,
Amin. Yohanes 3:16

**Ribacawi kitta'é sibawa maddennuwangngi' lao
ri Puangngé esso-esso!**